

Xeerarka safka iyo dhexdhexaadinta/xiriirinta

Wuxuu khuseynayaa laga bilaabo 4 juun 2024.

Ka kooban

1 Xeerarka safka	3
1.1 Xeerarka aasaasiga ah ee safka gelida Boplats Syd	3
1.2 Diiwaangelinta safka guryaha.....	3
1.3 Sidan ayaa xogtaada shakhsi ahaaneed loo maaraynayaa	3
1.4 Wakhtiga safka.....	4
1.5 Koontada isticmaalka (användarkonto)"Mina sidor"	4
1.6 Qofka kula soo sodsanaya guriga	4
1.7 Dhaxalka wakhtiga safka	5
1.8 Gebogebaynta koonto la isticmaalo	5
1.9 Gebogebaynta koontada qof guri la codsanaya qof kale (ett medsökande)	5
1.10 Haddii aanu annagu la wareegno guryo kale oo saf loogu jiro.....	5
1.11 Markaad Haa tiraahdo tusida guriga kadib	5
1.12 Wakhtaaga safku wuxuu noqonayaa eber haddii lagu siiyo heshiis guri kiro ah	5
2 Lacagta safka	5
2.1 Waxaad bixinaysaa kharashka safka sannad kasta	5
2.2 Wax kharash ah ma bixinayo qofka kale ee kula codsanaya guriga	6
2.3 Haddii aad ku bixin waydo wakhtaga loogu talagalay	6
2.4 Haddii aad rabto in lacagtaada safka lagu soo celiyo	6
3 Xeerarka dhexdhexaadinta/xiriirinta	6
3.1 Sidan ayaa lagu go'aamiyaa cidda guriga helaysa	6
3.2 Waa inaad buuxisaa shuruudaha si laguugu oggolaado	6
3.3 Wax shuruudo oo midabtakoord ah lama ogola in sameeyo.....	7
3.4 Shuruudaha marka la dhexdhexaadinayo guryaha waayeelka- iyo kuwa ammaanka ah	7
3.5 Shuruuda inaad si joogto ah u deggenaato	7
3.6 Xogtaada iyo kaantaroolkayaga	7
3.7 Raadinta guriga	8
3.8 Tusidda guryaha	8
3.9 Shuruudaha lagu soo jeedinayo inaad tahay qofka guriga kireysanaya.....	8
3.10 Qof dammiin ah, raasamaal iyo deebaaji	9
3.11 Haddii aad ku xadgudubto nidaamka, waxaa lagu siin doontaa digniin.....	9
3.12 Haddii aad jebiso sharciyada, waxaa lagaa joojinayaa inaad raadsato guri	9
3.13 Haddii aad soo gudbiso waraaqo been abuur ah	9
3.14 Waxaad ku xiran tahay jawaabtaada Haa	9
3.15 Khlad lagalo marka arrinta la gudagelayo	10
3.16 Arrimaha shaqaalaha.....	10
3.17 Haddii aad cabasho qabto	10

1 Xeerarka safka

Xeerarka safka ee Boplats Syd waxay ka kooban yihiin xeerar aasaasi ah oo loogu talagalay safafka guryaha, safafka waqtiyada, kharashka safka iyo dhexdhexaadinta/xiriirinta.

Marka laga reebo xeerarkan aasaasiga ah, waxaa jira shuruudo u baahan in la buuxiyo si loo raadsado loona helo guri. Shuruudahani waxay ka muuqdaan xayaysiisyada guriyaha ee kala duwan.

1.1 Xeerarka aasaasiga ah ee safka lagu geleyo Boplats Syd

- Waxaad safka guryaha geli kartaa laga bilaabo maalinta aad buuxiso 16 sano
- Waad ku khasban tahay inaad bixiso kharashka loogu talagalay safka ee sannadlaha ah
- Diiwaangelintaadu waa mid shakhsiyeed

1.2 Diiwaangelinta safka guryaha

Markaad safka guryaha geleyso, waxaad u baahan tahay inaad qorto toban lambarka (personnummer), magaca, lambarka telefoonka iyo cinwaanka iimeylka.

Haddii aanad lahayn ciwaanka iimayl oo kuu gaar ah, waxa lagu siinayaa ciwaan khiyaali ah. Kan looma isticmaalayo si lagu gulo xiriiro adiga.

Waxaa laguugu soo diri karaa iimeyl qof aad wakiil ka dhigatay iimeylkiisa haddii aad diiwaangeliso cinwaanka iimeylka wakiil.

Haddii aanad haysan tobanka lambar ee iswidhishka (personnummer) waxaad beddelkiisa gelinaysaa taariikhda dhalashadaada (sannadka, bisha, maalinta).

Markaad isdiiwaangeliso, waxaad oggolaatay in ay Boplats Syd kaydiyaan oo ay isticmaalaan xogtaada shakhsi ahaaneed ee ku jirta xogta kumbiyuutarka Boplats Syd. Boplats Syd waxay raacaan xeerka ilaalinta xogta (GDPR) waxayna si guud u maareeyaan macluumaadka shaqsiga iyadoo ku salaysan sharciga aasaaska ah ee ku saabsan danta guud. Tani waxay ku salaysan tahay hawsha dhexdhexaadinta guryaha ee degmada iyo in shirkadu tahay hey'ad degmo.

Markaad bixiso lacagta safka, waxaad dhammaystiri kartaa diiwaangelintaada. Markaad buuxiso dhammaan macluumaadka khasabka ah, waxaad bilaabi kartaa inaad raadiso guri.

1.3 Sidan ayaa xogtaada shakhsi ahaaneed loo maaraynayaa

Waxaanu si joogto ah u hubin doonaa ciwaanka kaaga diiwaangashan iswiidhiska oo aanu ka cusboonaysiin doono xogta kaaga ku qoran Hey'adda cashuuraha dadweynaha. Adiga ayaa mas'uul ka ah inaad hubiso in dhammaan macluumaadka kale ee adiga kugu saabsani inay yihiin kuwo sax ah oo markaa taagan. Gal "Mina sidor" haddii aad u baahan tahay inaad wax cusboonaysiiso ama aad beddesho. Macluumaadkan soo socda ayaa si gaar ah muhiim u ah:

- Lacagta ku soo gasha wakhtigan xaadirka ah
- Goobta shaqada
- Mulkiilaha guriga hadda oo uu la socdo macluumaadka guriga hadda (Mulkiilaha guriga, ururka guryaha is-kaashatada, qofka guriga gacanta koowaad ku qoran ama wax la mid ah)
- Haddii ay surtagal tahay wakhtiga aad ku noolayd
- Tirada dadka waaweyn iyo carruurta ku noolaan doona guriga
- Iimeylka
- Lambarka telefoonka
- Haddii ay jirto cid kale oo kula codsadanaysa guriga
- Haddii aad waxbarato

- Haddii aad rabto boostada caadiga ah iyo haddii kale
- Haddii ay jirto calaamado lacag bixineed (betalningsanmärkningar) ama deymo

Marka aad noqoto qof u qalma in la siiyo guri, Boplats Syd waxay xaqiijin doontaa dukumintiyada aad soo gudbisay si ay u aragto dakhliyadaada. Waxaanu hubin doonaa diiwaankaaga iyo tirada xubnaha qoyskiina.

Waxaanu baari doonaa xaaladaada dhaqaale oo waxaanu hubin doonaa haddii aad leedahay calaamado lacag-bixineed ama deymo inta aanad noqonin qof u qalma heshiiska kirada guriga ka hor.

Waxaanu cusboonaysiinaynaa macluumaadkaaga diiwaangashan marka aanu samayno koontoroolka kadib, laakiin dukumentiyadaada iyo natiijoyinkaaga baaritaannada waxaa la kaydin doonaa muddo xaddidan oo keliya. Sidaa darteed waxaad si joogto ah u cusboonaysiin doontaa dukumentiyadaada haddii aad raadinayso dhowr guri.

1.4 Wakhtiga safka

Wakhtigaaga safka waxa lagaaga bilaabayaa maalinta aad lacagta safka bixiso oo ay lacagtu ku soo dhacdo bangiga Boplats Syd. Wakhtiga safku waa mid shakhsi ahaaneed. Ma siin kartid wakhtigaaga safka qof kale. (eeg sidoo kale 1.7)

1.5 Koontada isticmaalka (användarkonto) "Mina sidor"

Waxaad galeysaa boggayaga www.boplatssyd.se. Bogga "Mina sidor" waxa aad ka samayn karto waxaa ka mid ah:

- Inaad ka raadsato guryaha firaaqada ah
- Inaad soo geliso dukumentiyadaada
- Ku soo jawaab Haa/Maya haddii lagugu martiqaado guriga lagu tusayo
- Ku soo jawaab Haa/Maya haddii aad wali sii xiisaynayso marka guriga lagu tuso ka dib
- Akhri warbixinta aanu kuu soo dirno
- Bixi kharashka safka
- Soo martiqaad, u oggolow oo ka saar qofka guriga kula codsanaya

Kuma soo codsan kartid guri bannaan ama kuma soo odhan kartid HAA/MAYA guri bannaan adigoo iimeylka isticmaalaya. Tan waad inaad ka samayso "Mina sidor" ama booqasho/telefoon inta lagu jiro saacadaha uu xafiisku furan yahay .

Waxaad u baahan tahay inaad cusboonaysiiso xogtaada diiwaangashan ugu yaraan 6dii biloodba hal mar. Haddii aadan tan samaynin, ma awoodi doontid inaad iska diiwaangeliso guri aad xiisaynayso. Haddii aad samaysay inaad guryaha indhaha ku hayso, waxaad u baahan tahay inaad soo xaqiijiso ugu yaraan 6dii biloodba hal mar inaad doonayso inaad sii haysato. Haddii aadan taas samaynin, indho ku haynta guryaha waa la soo gebogebeynayaa.

1.6 Qofka kula soo sodsanaya guriga

Haddii aad tahay qof guri la codsanaya qof kale, laakiin aanad lahayn koonto kuu gaar ah, waa inaad samayso diiwaangelin adiga kuu gaar ah. Haddii aad isku diiwaangeliso inaad tahay qof guriga la codsanayo qof kale, ma bixinaysid kharashka safka. Waxaa lagu siinayaa koonto adiga kuu gaar ah laakiin laguma siinayo wakhtiga saf ah oo adiga kuu gaar ah.

Haddii aad tahay qof guri la raadsanaya qof kale oo aad isla degeysaan guriga aad raadinaysaan, waxaa lagama maarmaan ah inaad ku xirto koontadaada, qofka guriga isagu codsaday. Haddii aad isku xidhay qofka guriga codsanaya gurigiina la sheegay cidda xiiseynaynaysa markaas laguguma xisaabinayo inaad tahay la codsade gurigan.

Bogga "Mina sidor" waxaad ka ansixinaysaa inaad rabto inaad tahay qof guri qof kale la raadsanaya Hal qof oo keliya ayuun baad guri la raadsan kartaa.

Waxaad mar walba cusboonaysiin kartaa koontadaada aad qofka la codsanayo una beddeleya koonto codsade ah, si aad u urursato wakhti saf oo aad adigu leedahay, adigoo si toos ah uga bixinaya kharashka safka "Mina sidor"

Adiga ayaa mas'uul ka ah inaad hubiso in dhammaan macluumaadka kale ee adiga kugu saabsan inay yihiin kuwo sax ah oo markaa taagan. Tusaale ahaan, haddii dakhligaagu isbeddelo ama haddii aad beddesho cinwaankaaga iimeylka, waxaad u baahan tahay inaad bogga gasho oo aad beddesho warbixintaada.

Si aad labadiinuba awood ugu yeelataan inaad ku qornaataan heshiiska guriga, qofka la codsadaaha ahna sidoo kale waa la koontarooli doonaa. Sidaas darteed, waa inaad soo bogga soo gelisaa dukumentigaaga muujinaya dakhligaaga hadaad taha qofka la codsadaaha ah, waxaana sidoo kale lagugu sameyn doonaa baaritaan xaaladaada deymaha.

Qofka la codsanaya qof kale guri laguma wareejin karo wakhtiga safka ee codsadaha. (sidoo kale eeg 1.7)

Haddii aad rabto inaad ku qornaato qof guri la codsanaya qof kale oo aad leedahay koonto adiga kuu gaar uma baahnid inaad samaysato diiwaangelin cusub. Bogga "Mina sidor" waxaad ka ansixinaysaa inaad rabto inaad tahay qof guri qof kale la raadinaya

Haddii laba qof oo guri raadsanayaa ay isku xiran yihiin, waxay si otomaatig ah isugu noqonayaan dad guri isla raadsanaya.

Markaa khasab ma aha inay labada dhinacba codsi soo diraan. Hal qof oo keliya ayuun baad guri la raadsan kartaa.

1.7 Dhaxalka wakhtiga safka

Haddii codsadhaha guryuhu dhinto, ama u guuro hoy daryeel caafimaad oo joogtada ah, seyga/xaaska ay isla noolaayeen (sida uu qabo sharciga wada noolaanshaha) ayaa dhaxli kara wakhtiga safka. Si wakhtiga safka loo wareejiyo, waa khasab inuu qofku

Qofkii/dadkii qaraabada ahaa ee guriga ku haray waa inay ku diiwaangashanaayeen isla ciwaanka codsadhaha guriga lixdii bilood ee la soo dhaafay waxayna la xidhiidhayaan Boplats Syd ugu dambayn lix bilood ka dib dhimashada ama marka qofka le geeyo guri daryeel caafimaad oo lagu hayo.

Waa marka keliya ee wakhtiga safka qof kale lagu wareejin karo. La codsadhaha guriga ee aan ahayn seyga/xaaska ama dad wada deggenaa (sida uu qabo sharciga wada noolaanshaha) weligood ma dhaxli karaan wakhtiga safka

1.8 Gebogebeynta koonto la isticmaalo

Haddii aanad rabin inaad ku sii jirin safka guri raadinta, waxaad ka gebogebeyn kartaa isticmaalka koontadaada bogaa "Mina sidor". Sidoo kale ma bixinaysid kharashka safka ee sannadlaha ah inta aanu bilaabmin xilliga lacag bixinta ee soo socota ka hor.

Markaad ka baxdo safka guri raadinta, koontada aad isticmaasho waa la tirtirayaa oo laguuma soo celinayo wakhtigaagii safka. Haddii aad doorato inaad is-diiwaangeliso mar kale, waqtigaaga cusub ee safka wuxuu ka bilaaban doonaa marka lacag bixintaada aanu annagu diiwaangelino.

Koontadaada waxaa la joojin doonaa marka:

- Aad adigu koontada uga xidho bogga mina sidor
- Aanad adigu bixin lacagta kharasha safka 60 maalmood gudahood diiwaangelintaada ugu horreysa kadib
- Aanad bixin kharashka safka lix bilood gudahood marka la bixinayo kharashka safka ee sannadlaha ah kadib
- Hadaad dhimato oo aanu ka ogaano markaano ka hubino diiwaangelinta dadweynaha kadib

1.9 Gebogebeynta koontada qof guri la codsanaya qof kale (medsökande)

Haddii aad ku diiwaangashan tahay inaad tahay qof guri la codsanaya qof kale, adiga ayaa ka tirtiri kara koontada la codsadhaha bogga "Mina sidor". Koontadaada sidoo kale si otomaatig ah ayaa loo tirtiri doonaa 90 maalmood kadib haddii aanad ku xirnayn qofka codsanaya guriga.

1.10 Haddii aanu annagu la wareegno guryo kale oo saf loogu jiro

Haddii Boplats Syd ay la wareegto guryo kale oo saf loogu jiro oo mulkiile kale leeyahay, taas waxaa lagu nidaaminaya heshiis gaar ah oo u dhexeeya Boplats Syd iyo mulkiilaha guryaha. Dadka ku jira safka guryaha ee shirkada kale, tusaale ahaan, waa loo oggolyahay inay wakhtigoodii safka u soo qaataan markay u soo guurayaan safka guryahayaga.

1.11 Markaad Haa tiraahdo tusida guriga kadib

Haddii aad "HAA" ku jawaabto xiisahaaga marka guri lagu tuso kadib oo aad noqoto lambarka 1, dhammaan codsiyada xiisaha aad guryaha kale u muujisay si otomaatig ah ayaa loo tirtiri doonaa.

1.12 Wakhtaaga safku wuxuu noqonayaa eber haddii lagu siiyo heshiis guri kiro ah

Markaad saxiixdo heshiis kiro guri, waad sii haysanaysaa koontadaada isticmaalka, laakiin wakhtiga safkaagu wuxuu noqon doonaa eber. Wakhtiga safkaaga cusub waxa la xisaabinayaa laga bilaabo maalinta aad u soo guurto gurigaaga cusub. Haddii aad kala soo wareegto wakhtiga safka shirkad kale oo saf lagaga jiro, wakhtiga safka waxa sidoo kale laga dhigi doonaa eber.

Waa lagu ogolyahay inaad haysato wakhtigaaga safka haddii aad saxiixday heshiis guri oo aan lahayn ilaalin mulkiyadeed (besitningsskydd), tusaale ahaan guryaha ardayda ama heshiisyo wakhti xaddidan (heshiiska muddada gaaban).

2 Lacagta safka

2.1 Waxaad bixinaysaa kharashka safka sannad kasta

Waxaad bixinaysaa kharashka safka sannadkii hal mar si aad ugu jirto safka guryaha.

Hoggaamiyeyaasha degmada Malmö ayaa go'aaminaya kharashka. Laga soo bilaabo 2009, kharashku waa 300 kr sannadkii.

Marka ay gaadho wakhtiga bixinta lacagta, waxa lagu xusuusin doonaa kharashka marka aad gasho bogga "Mina sidor" ee www.boplatssyd.se. Waxaanu sidoo kale kuugu soo diraynaa warqadda lacagta lagu bixiyo cinwaankaaga iimaylka ama ciwaanka diiwaangelinta dadweynaha.

Haddii aad doorato inaad ku bixiso Autopay, khidmadda safka si toos ah ayaa looga jarayaa kaadhkaaga 30 maalmood ka hor intaanu dhammaan wakhtigii lacag bixintu. Adiga ayaa mas'uul ka ah inaad hubiso in macluumaadka kaadhka la cusboonaysiiyey iyo inay suurtoagal tahay inay lacagi ku jirto koontada si kaarka lacagta looga jaro marka la gaaro waqtiga.

Adiga ayaa ka mas'uul ka ah inaad hubiso in kharashkaaga la bixiyey xitaa haddii warqadda lacag bixintu aanay ku soo gaarin. Waxaad u baahan tahay inaad iska hubiso inaad ku bixisay kharashka wakhtigii loogu talagalay sannad kasta.

2.2 Wax kharash ah ma bixinayo qofka kale ee kula codsanaya guriga

Qofka guri la codsanaya qof kale ma bixinayo kharashka safka. Sidaa darteed laguma siinayo wakhti saf oo adiga kuu gaar ah.

2.3 Haddii aad ku bixin waydo wakhtaga loogu talagalay

Markaad is-diiwaangeliso marka ugu horeysay, waxaad haysataa 60 maalmood oo aad ku bixiso. Wakhtigaaga safka waxa lagaaga bilaabayaa maalinta aad lacagta safka bixiso oo ay lacagtu ku soo dhacdo bangiga Boplats Syd. Haddii aadan ku bixin wakhtigii loogu talagalay, koontada aad isticmaasho waa la tirtiri doonaa.

Haddii aad leedahay koonto aad isticmaasho oo loo baahdo in la cusboonaysiiyo, waxaad haysataa 60 maalmood inaad ku bixiso lacagta. 60 maalmood waxa laga soo bilaabayaa markii ugu dambaysay ee uu dhammaaday wakhtigii aad lacagta bixisay. Haddii aad ku bixiso lacagtaada safka wakhtigii loogu talagalay, waxaad sii haysanaysaa koontadaada isticmaalka waxaanad haysan kartaa wakhtigaaga safka. Inta aanad bixin lacagta koontada isticmaalka ma raadsan kartid guryo. Haddii lacag-bixinta aanay ku helin Boplats Syd 60 maalmood gudahood, koontadaada isticmaalka waa la joojin doonaa oo waxaad waayi doontaa wakhtigaaga safka.

Waa ikhtiyaari in safkayaga la galo, sidaa daraadeed kuuma soo dirayno waraaqaha dalabka ama uma sii gudbinayno sheegashada deynta ururinta (inkasso).

2.4 Haddii aad rabto in lacagtaada kharashka safka lagu soo celiyo

Waxaad xaq u leedahay 14 maalmood oo ah ka-noqosho marka aad bixiso khidmaddaada safka marka ugu horeysay. Muddada ka noqoshadu waxay bilaabmaysaa laga bilaabo maalinta ay lacagtu annaga na soo gaarto.

Haddii aad horey isugu diiwaangelisay inaad xiisaynayso guri, waxaad lumi doontaa xaqaaga ka noqoshada.

Xaq uma lihid inaad dib uga noqoto kharashyada safka sanadka ku xiga, maadaama heshiiska adiga iyo Boplats Syd idiin dhexeeyey uu ku jiro bixinta lacagta ugu horreysa

Waxaad xaq u leedahay inaad ka noqoto lacag bixinta adigoo email ugu soo diraya info@boplats Syd.se fariin cad oo aad kaga shallaayeyso lacag bixintii. Marka aad ka noqoto, waxaanu xiri doonaa koontada aad isticmaasho.

3 Xeerarka dhexdhexaadinta/xiriirinta

3.1 Sidan ayaa lagu go'aamiyaa cidda loo arko in loo diro inuu guriga kiraysto

Boplats Syd waxay leeyihiin saf toosan. Taas macneheedu waxa weeye in dhammaan guryaha loo bixiyo si waafaqsan wakhtiga safka. Codsadaha guriga ee ugu wakhti dheeraa wakhtiga safka dadka soo dalbaday guriga ee buuxiyey shuruudaha mulkiilaha guriga ayaa helaya guriga.

Guriga bannaan waxa lagu soo xayaysiinayaa websaydkayaga, inta badan inta u dhaxaysa saddex ilaa toddoba maalmood. Qofka guri raadinaya ee bixiyey kharashka safka wuxuu codsan karaa guryaha uu soo buuxiyo shuruudaha mulkiilaha.

Haddii ay jiraan dhowr qof oo hal guri isla codsaday oo waqtiga safkooduna isku mid yahay, qofka marka ugu horeysa isku diiwaangeliya guryahaas ayaa safka ugu horeyn doona.

3.2 Waa inaad buuxisaa shuruudaha si laguugu oggolaado

Waa mulkiilaha guriga qofka go'aaminaya shuruudaha in adiga loogu oggolaado inaad noqoto kiraystaha guriga cusub. Mulkiiluhu, wuxuu tusaale ahaan codsan karaa:

- Nooca uu yahay dakhliga adiga ku soo galaa
- Intee in leeg ayaa lagaa rabaa inuu noqdo dakhligaagu
- Immisa qof ayaa la ogolyahay inay ku noolaan karaan guriga
- Da'dee ayaad u baahan tahay inaad noqoto

Shuruudaha la duldhigayo codsabayaasha guryuhu way ku kala duwanaan karaan guryaha kala duwan iyo noocyada kala duwan ee guryaha, laakiin lama beddeli karo guryaha gaarka ah inta lagu jiro habka dhexdhexaadinta/xiriirka.

Waxaa jiri kara shuruudo gaar ah oo lagu dabaqi karo guryaha sida guryaha ardayda, dhalinyarada, iyo guryaha dadka waayeelka ah, ama guryaha sida gaar ah loogu talagalay dadka ka soo wareegay saf guryo kale ee aanu annagu la wareegnay.

Tani waxay sidoo kale khusaysaa guryaha ugu horreyn loo dhexdhexaadinayo codsadaha guriga raadinaya ee hore u deggenaan guri shirkad kale. Mulkiilayaasha guryuhu waxay xaq u leeyihiin inay kireeyaan saddexdii guriba hal guri oo ay ka kireeyaan kireysteyaal ay iyagu leeyihiin.

Guryahan waxa gacanta koowaad la siinayaa dadka hore u deggenaa guryaha shirkada ee haysta heshiiska gacanta koowaad. Shuruudaha khuseeya ee loo baahan yahay waxa laga heli karaa in laga akhristo xayaysiisyada guri kasta boggayaga internetka.

Haddii aadan buuxin shuruudaha kiraystaha guriga marka aanu eegno xogtaada iyo dokumentiyadaada, waxay ka dhigan tahay in **aanad**;

- codsan karin guriga
- aan lagugu soo casuumi doonin tusida guriga
- aan lagu siin doonin heshiis guriga

Qofka guri raadinayaa waa inuu mar walba buuxiyaa shuruudaha mulkiilaha guriga. Haddii dakhliga bishii ku soo galaa aanu ku filneyn, oo uu koontadaada ku xiran yahay qofka kale oo guriga kula codsanayaa, waxaad ku xisaabin kartaa dakhliga bishii soo gala qofka kale ee kula codsanaya guriga. Laakiin taasi waxay ka dhigan tahay inaad wada degi doontaan guri aad idinku wada raadinaysaan.

Haddii aad ka soo baxdo shuruudaha mulkiilaha adiga oo isku daraya dakhligaaga iyo dakhliga qofka kula codsanaya, waxa kale oo loo baahan yahay inuu buuxiyo qofka guriga kula codsanayaa shuruudaha mulkiilaha guriga iyo sidoo kale shuruudaha ku saabsan calaamadaha lacag bixinta iyo deymaha.

Haddii aad ku xiran tahay qof kale oo kula codsanaya guri kadib markaad muujisay inaad xiisaynayso guriga, markaa laguma xisaabinayo qofka kula codsanaya gurigan .

Haddii aad doorato inaad ka saarto meesha qofka kula codsanaya guriga, waa inaad adigu buuxisaa shuruudaha mulkiilaha guriga. Haddii aad keligaa buuxin waydo shuruudaha, laguuma oggolaan doono guriga markaa laga hadlayo.

3.3 Wax shuruudo oo midabtakoork ah lama samayn karo

Shuruudaha mulkiilaha gurigu waa inay u hoggaansamaan xeerka midabtakoorka. Taas macnaheedu waxay tahay in dadka aan loola dhaqmin jinsiga ay ka soo jeedaan, nin iyo naag waxa uu yahay, qowmiyadda uu yahay, diinta, naafanimada, nooca galmada uu yahay ama da'da. Shuruudaha da'da waa loo ogolyahay inay ka dhacaan guryaha qaybta sida dhalinyarada, waayeelka ama guryaha ammaanka ah.

Guryaha la waafajiyay waxay leeyihiin shuruudo gaar ah oo la xiriira baahida/naafanimada.

3.4 Shuruudaha marka la dhexdhexaadinayo guryaha waayeelka- iyo kuwa ammaanka ah

Guryaha waayeelka- iyo guryaha ammaanka waxaa la dhexdhexaadiyaa iyadoo lagu salaynao wakhtiga safka waxaase shardi u ah in codsadaha guriga iyo haddii uu jiro qof la codsanaya ay buuxiyaan shuruudaha mulkiilaha guriga oo ay gaaraan shuruudda da'da mulkiilaha.

3.5 Shuruuda inaad si joogto ah ugu noolaato

Marnaba lama ogola inaad qofkale u gasho safka ama aad u raadiso guriga adigu. Si guri lagaaga siiyo Boplats Syd, waa inaad u soo guurtaa, isku diiwaangelisaa oo aad si joogto ah u deggenaataa

guriga.

Haddii aad guri qof kale si wadajir ah u wada raadsataan, labadiinuba waa inaad u soo wada guurtaan, isku diiwaangelisaan, oo si joogto ah ugu wada noolaataan gurida aad raadinaysaan.

3.6 Xogtaada iyo kaantaroolkayaga

Adiga ayaa mas'uul ah inaad hubiso in aanu annagu helno macluumaadka saxda ah ee adiga kugu saabsan.

Annaga oo la xiriirayna diiwaanka dadweynaha, hey'adda qasab ku ururisa lacagaha deymaha (kronofogden) iyo rugta amaahda (kreditinstitut), waxaanu hubin doonaa in macluumaadkaaga diiwaangashani ay sax yihiin.

Waxaanu cusbooneysiinaynaa:

- Cinwaankaaga ka diiwaangashan ee

Hey'adda cashuuraha ayaa la baarayaa haddii

aad adigu:

- Buuxinayso shuruudaha mulkiilaha guriga
- Aad leedahay calaamadaha lacag bixinta
- Isku day diiwaangelin oo ku saabsan qaansheegayo
- Aad leedahay deyn cafis
- Haddii lagugu leeyahay deymo kaaga

diiwaangashan Hey'adda qaabilsan qasab ku

ururinta deymaha, Waxaanu annagu sidoo

kale:

- hubinaynaa inta qof ee ku noolaan doonta guriga
- Waxaanu hubinaynaa dukumeentiyada aad soo gudbisay bogga si aad u muujiso dakhliga ku soo gala
- Waxaanu raadinaynaa warbixintaada xaalada dhaqaale
- Waxaanu cusboonaysiinaynaa xogtaada diiwaangashan markaanu koontaroolka samayno kadib.

Si loo ansixiyo dukumentiyada aad soo gudbisay, waa in ay si cad ugu muuqdaan oo ay u fahmi karaan

Boplats Syd. Mulkiiluhu wuxuu samayn doonaa inuu:

- Hubiyo inaad leedahay deymo ku saabsan kirooyin guri.
- Ka soo qaado tixraacyo shirkada aad hadda guriga kaga jirto

Haddii aad qof guri kula codsanaya oo ku xiran yahay koontada isticmaalka, waxaanu sidoo kale ku sameyn doonaa baaritaano ku saabsan qofka guriga kula codsanaya. Markaa waa inaad ka codsato qofka guriga kula codsanayaa inuu soo geliyo dukumentiyadiisa bogga.

3.7 Raadinta guriga

Had iyo jeer waa inaad adigu raadsato guryaha aad xiisaynayso Haddii guri lagugu soo casumo, waa inaad "HAA" ku jawaabto waqtiga loo qoondeeyay. Sidaas oo kale way khuseysaa markaad guriga aragto ka dib haddii aad sii xiisaynayso guri.

Tani waxay khusaysaa iyada oo aan loo eegin in guriga lagu tuso adigoo soo arkay, lagugu tusosi dhijitaal ah ama aanu lahayn wax tusid ah gebi ahaanba. Haddii aanad HAA kaga jawaabin tillaabooyinkan, inaad xiisaynayso gurigaas si toos ah ayaa looga saarayaa.

3.8 Tusidda guryaha

Siyaabo kala duwan ayay u dhici kartaa tusidda guryuhu. Sida caadiga ah ayaa ah inaad soo fiirsato guriga, adiga oo u tegeya qofka guriga aad codsatay deggen ee ka guuraya. Inta badan waxaa jooga shaqaalaha shirkada guriga marka guriga la tusayo qofka, laakiin ma aha marwalba. Inta badan mulkiilayaasha guryuhu waxay jecel yihiin in adiga ama qof kaa wakiil ah in la arko si laguugu oggolaado inaad tahay kiraystaha guriga. Waxay ku caddahay warqadda martiqaadka tussida guriga inay tussido tahay qasab iyo in kale.

Mararka qaarkood suurtagal maaha in la arko guriga. Taasi waxay khusaysaa, tusaale ahaan, guryaha dhawaan la dhisay ama guryaha dabaqyada ee dib loo dhisayo. Markaa waxaa lagu soo bandhigi doonaa sawirka naqshada (ritning). Sidoo kale, waxaa jira in lagu soo bandhigo si dijital ah in loo arko. Markaas waxaad arki doontaa sawirro ama filimaan laga soo sawiray/duubay guriga

Haddii aanay jirin inta aad tagto aad soo aragto ama dhijitaalka ahaan u aragto, ma filan kartid inaad aragto guriga inta aanad u guurin ka hor Taas macnaheedu waxay tahay in aad soo tiraahda Haa ama Maya guriga ka dib marka aad aragto qorshaha sawirka ama filimka naqshada guriga.

3.9 Shuruudaha lagu soo jeedinayo inaad tahay qofka guriga kireysanaya

Si loo soo jeediyo inaad tahay kiraystaha guriga, waa inaad buuxisaa dhammaan shuruudaha mulkiilaha guriga. Haddii dakhliga bishii ku soo galaa aanu ku filneyn, ama haddii aad rabto in qofka kula codsanaya guriga uu ku qornaado heshiiska guriga, waa inuu sidoo kale qofka guriga kula codsanayaa buuxiyo shuruudaha mulkiilaha.

Haddii aad ku xirtan tahay qof guriga kula codsanaya marka aad muujiso xiisaha guri kadib, markaa laguguma xisaabinayo qofka guriga kula codsanaya guryahan.

Haddii aanad na siin macluumaadka saxda ah, ama haddii aanad noo soo jawaabin annaga ama mulkiilaha guriga muddada la sheegay laguma oggolaan doono.

3.10 Qof dammiin ah, raasamaal iyo deebaaji

Haddii dakhliga ku soo gala adiga ama qofka kula codsaday guriga aanay buuxin shuruudaha mulkiilaha guriga, mulkiiluhu weli wuxuu ku siin karaa fursad aad ku codsato guri haddii aad tusi karto inaad bixin karto adiga oo keenaya

qof dammaanad qaada Waxay ka muuqataa xayeysiinta guryaha markaa taagan iyo in kale haddii shuruudaha mulkiiluhu uu oggolaanayo taas.

Xaaladdaas, mulkiiluhu wuxuu la xidhiidhi doonaa dammaanad qaadaha si uu u hubiyo in dammaanad qaaduhu aanu lahayn cabasho lacag-bixineed ama deymo oo uu leeyahay dakhli ku filan oo uu ku dabooli karo kharashyadiisa iyo kharashkaaga guri labadaba.

Waxa kale oo jira mulkiilayaal guryo leh kuwaas oo sidaan oo kale ku siinaya fursad aad ku raadisato guri, isagoo dakhligaagu hooseeyo haddii aad muujin karto inaad leedahay raasamaal ama haddii aad sii dhigato dhowr bilood kiradood lacag deebaaji ah. Haddii ay taasi suurtagal tahay, waxa lagu sheegayaa xayaysiiska guriga.

3.11 Haddii aad ku xadgudubto nidaamka, waxaa lagu siin doontaa digniin

Waa muhiim in dhexdhexaadintu ay noqoto mid hufan intii suurtagal ah, adiguna aad keento macluumaad sax ah oo adiga kugu saabsan. Haddii aanu ku aragno adiga oo taas ku xad-gudbay waxaa lagu siinayaa digniin. Digniintu ma saamaynayso wakhtiga safkaga. Waxaa lagu siin doonaa digniin haddii:

- Aad tiraahdo Haa oo aad tusto inaad xiisaynayso marka guriga lagu tuso ka dib laakiin aad ka noqoto
- Haddii mulkiilaha gurigu kuu soo diro oo kuu soo jeediyo inaad noqoto kirayste guriga, kadibna aad ka baxdo
- Haddii mulkiiluhu kuu oggolaado inaad guri kiraysato laakiin aanad saxeehin heshiiskii guriga
- Aad ku qorto macluumaad marin habaabin ah koontada aad isticmaasho.

Bogga “Mina sidor” waxaad ka arki kartaa haddii lagu siiyey digniin iyo sababta arrintaas. Laba digniinoood muddo 12 bilood gudaheeda ah, waxaa lagaa xannibayaa inaad raadsato guryo ugu yaraan lix bilood, eeg qodobka 3.12.

3.12 Haddii aad jebiso sharciyada, waxaa lagaa xannibayaa inaad codsato guryo

Sababo kala duwan awgeed, waxaa laga yaabaa in lagaaga xannibo inaad guryo ka codsan karto Boplats Syd. Ka joojintu ma saameyso wakhtiga safka.

Waxaa lagaa joojin doonaa inaad codsato guryo muddo lix bilood ah:

- Haddii lagu siiyo saddex digniinoood laba iyo toban bilood gudahood. Wakhtiga waxa la xisaabinayaa laga bilaabo markii aad heshay digniintii u dambaysay.
- Haddii aad si dayacaad ah samayso ama aad u dhaqanto si hanjabaad leh markaad la xiriirayso mulkiile gaarka ah, qofka guriga ka guuraya markuu ku tusayo ama markaad la soo xiriirayso Boplats Syd. Waxaanu sidoo kale mar walba u gudbinnaa dacwad booliiska kiisaskan sidan oo kale ah.

Haddii aad leedahay tixraacyo degenaansho oo xun, waxaad ka xayirnaan kartaa mulkiile gaarka ah.

3.13 Haddii aad soo gudbiso dukumentiyoo been abuur ah

Waxa lagaa xannibayaa inaad codsato guri laba iyo toban bilood ah haddii aad soo gudbiso dukumentiyoo been abuur ah. Haddii aanu bilowno baaritaan ku saabsan wixii khaldamay, waxaa lagu xannibi doonaa ugu yaraan laba sannadood ama ilaa baaritaanka la dhammeeyo. Had iyo jeer waxaanu u gudbinnaa dacwad booliiska haddii aanu uga shakino inuu falku yahay dembi.

Bogga “Mina sidor” waxaad ka arki kartaa haddii lagu siiyey digniin iyo sababta arrintaas.

3.14 Waxaad ku qasban tahay jawaabtaada Haa

Haddii aad Haa ku jawaabto markaad guri soo aragto kadib, waad ku qasban tahay jawaabtaada Haa. Haddii aad noqoto lambarka 1 ee safka, dhammaan guryaha kale ee aad xiisaynayso si toos ah ayaa meesha looga saarayaa. Waxaanu baadhi doonaa dukumentiyadaada si aanu u hubinno inaad buuxisay shuruudaha mulkiilaha.

Haddii aad noqoto lambarka 1 ee guri aad Haa tiri, ma awoodi doontid inaad samayso codsiyo cusub oo guryo aad ku xiisaynayso.

3.15 Khalad lagalo marka arrinta la gudagelayo

Haddii Boplats Syd ama mulkiiluhu ay khalad galaan markay arrinta gudageleyaan, oo markaa aanad helin gurigii ay ahayd inaad hesho, waxaa lagu siin doonaa guri u dhigma intii suurtoagal ah. Tani waxay khusaysaa haddii adiga arrimahaaga si khaldan loo maareeyay oo keliya, laakiin ma khusayso haddii aad heshay safka 1 sababtuna ay tahay in aanu annagu si khaldan u maareynay codsade kale.

Waa inaad taas noogu soo sheegtaa muddo toddoba maalmood gudahood ah. Haddii la arko in aanu khalad samaynay waxaanu sida ugu dhakhsaha badan kuu siin doonaa guri kale oo u dhigma sida ugu macquulsan. U dhigma macnaheedu waa kirada, cabbirka iyo meesha. Shirkada guryuhu (bostadsförmedlingen) iyada ayaa leh mudnaanta turjumaadda waxa loo arko guri la mid ah.

Waxaad xaq u leedahay inaad tidhaahdo Maya marka guri lagugu soo casumo, waxaanad heli kartaa ugu badnaan laba casumadood oo noocaas ah.

Kiiska magdhowgu ma laha waqtiga kama dambaysta ah, sidaas darteed wuxuu qaadan karaa waqti dheer haddii guri la mid ah aan la bixin karin. Haddii aad hesho guri kale ka inta aan lagu siinin guri magdhow ah ka hor, kiiska markaa wa la xirayaa.

Adiga ayaa mas'uul ka ah in aanu awoodno si aanu kuula soo xiriirno annaga oo adeegsanayna macluumaadka bogga ku jira. Waxaanu xaq u leenahay in aanu xirno kiis magdhow ah haddii aanaan ku heli karin wakhti

dhowr goor oo isku day/sannad cayiman

3.16 Arrimaha shaqaalaha

Xitaa shaqaalaha Boplats Syd way iska diiwaangelin karaan safka guryaha waxayna raadsan karaan guri iyadoo la raacayo shuruudo la mid ah kuwa kale ee safka ku jira. Sheefka mas'uulka ah waa inuu oggolaadaa in shaqaalaha, ama qaraabo u dhow qof shaqaale ah, in la soo jeediyo inuu ka kiraysto shirkad guri.

Shaqaalaha Boplats Syd waa in aanu noqon qofka dhexdhexaadinta ee gudagelaya arrinta isaga ama qaraabadiisa dhow khuseysa. Dadka lagu xisaabiyo inay yihiin qaraabo dhow waa sayga, xaaska, dadka wada deggan, lammaanaha, ilmaha, walaalaha, waalidka iyo waalidka qofka la deggan, lamaanaha, xaaska ama sayga.

3.17 Haddii aad cabasho qabto

Haddii aad cabasho qabto, waa inaad la xiriirtaa adeegga macaamiisha ee Boplats Syd. Haddii cabashadaadu ay khusayso guri la dhexdhexaadiyey waxaa khuseeya waxan soo socda:

1. Marka hore qofka guriga dhexdhexaadiyey ee ka mas'uulka ah ayaa baaraya in dhexdhexaadintu ay si sax ah u dhacday iyo in kale.
2. Haddii aad rabto in aad horay u sii socoto oo cabashadaada la tijaabiyey waa inaad qoraal soo samayso. Cabashada intaa kadib waxa ka jawaabaya sheefka ay khusayso saddex toddobaad gudahood.
3. Haddii aanad aqbalin ogeysiiska qoraalka ah, maareeyaha guud ee Boplats Syd ayaa ugu dambeyntii baaraya cabashada.

Haddii waxa aad ka cabanaysaa ay ku lug leeyihiin in laga leexaday sharciyada hadda jira, cabashada waxaa loo gudbinayaa guddiga Boplats Syd. Rafacaan ugama qaadan kartid go'aanka ka soo baxa guddiga Boplats Syd hey'ad kale.